

Script of Morning Gojri News Bulletin 10 September 2024 at 1015Hrs

مارننگ گو جری نیوز بلیٹن مورخہ 10 ستمبر 2024

یوہ آکاشوانی جموں ہے محمد اکرم چودھری تیں خبر سنو۔

Padam PM Awards

وزیر اعظم نریندر مو دی نے لوکاں ور زور پایو ہے جے وے زیادہ توں زیادہ پدم ایوارڈ واسطے متاثر گن شخصیات نانہ نامزد کریں۔ نامزدگی غی آخری تاریخ اس مہینہ غی 15 رکھی گئی ہے۔ اک سوشل میڈیا پوسٹ مانہ وزیر اعظم نے اس گل ور لو کہلتاں وان کہیو ہے جے پچھلی دہائیاں غے دوران حکومت نے زمینی سطح غا لا تعداد عظیم شخصیات نانہ پیپلز پدما نال نوازیو ہے۔ انہاں نے کہیو جے حکومت نظام نانہ مزید شفاف اور شراکت دار بناوے تے اس دوران لوکاں توں گزارش ہے جے وے ایوارڈس ڈاٹ گو ڈاٹ ان ور اپنی نامزدگی دائر کر پیں۔

Nomination Phase 2nd

آئندہ جموں کشمیر اسمبلی انتخابات 2024 غا دوجا مرحلہ واسطے کاغذات نامزدگی واپس لین غے آخری تہاڑے 6 ضلعان مانہ پھیلیا 26 اسمبلی حلقاں وچوں 27 امیدواران نے اپنا کاغذات نامزدگی اپنا متعلقہ ریٹرننگ افسران غا دفتر توں واپس لے لیا پیں تے ہن ان اسمبلی حلقاں مانہ کل 239 امید وار اس مرحلہ مانہ انتخابی میدان مانہ حصو لین گا۔ کاغذات نامزدگی واپس لیا جان توں بعد 239 اہل نامزد امید وار 26 اسمبلی حلقاں مانہ میدان مانہ پیں۔ جت جموں کشمیر اسمبلی انتخابات 2024 غا دوجا مرحلہ غے دوران 25 ستمبر نانہ ووٹ کھلیا جا ئیں گا۔

Congress Lists

کانگریس پارٹی غی مرکزی چناؤ کمیٹی نے جموں کشمیر مانہ اسمبلی انتخابات غا تیجا مرحلہ واسطے 19 امید واران ور مشتمل اک ہور فہرست جاری کر دتی ہے۔ آکاشوانی جموں گانامہ نگار غی رپورٹ غے مطابق اسمبلی چناؤ مانہ حصو لین آلا امید واران مانہ 6 سابقہ وزیر پیں جن مانہ ڈاکٹر منوہر لال شرمانانہ بلا ور اسمبلی حلقہ توں بطور کانگریس امید وار نامزد کیو ہے تے چودھری لال سنگھ نانہ بسوہلی اسمبلی حلقہ، رمن بھلا نانہ آر ایس پورہ جموں جنوب، یوگیش سہانی نانہ جموں مشرق، یشپال گنڈل نانہ رام گڑھ تے مولہ رام نانہ مڑھ اسمبلی حلقہ توں بطور کانگریس امید وار نامزد کیو ہے۔ ان توں علاوہ حاجی عبدالرشید ڈار نانہ سوپور تے ٹھاکر بلیبر سنگھ نانہ کٹھوعہ جسروٹھ اسمبلی حلقہ توں بطور کانگریس امید وار نامزد کیو ہے۔ کانگریس نے مزید 2 موجودہ ضلع ترقیات کونسلاں نانہ وی فہرست مانہ شامل کیو ہے۔ جن مانہ سوچیت گڑھ تیں آزاد ڈی ڈی سی ترنجیت سنگھ ٹونی جہڑو ہن کانگریس لیڈر ہے نانہ نوی تشکیل شدہ اسمبلی حلقہ باہو توں کانگریس امید وار غا طور نامزد کیو ہے تے آتے مول راج نانہ ادھم پور غی رام نگر توں بطور کانگریس امید وار نامزد کیو ہے۔ واضع رہے جے چناؤ مانہ حصو لین واسطے اپنا عہدہ تے بی جے پی تیں دستبردار ہوا پیں۔ آتے سابقہ کونسلاں ٹھاکر منموہن سنگھ نانہ جموں مغرب توں کانگریس امید وار نامزد کیو ہے۔

Nomination Phase 3rd

ڪا نگرپس نه گذشتہ شام پہلی اڪٽوبر نانہہ تیجا مرحلہ غے تحت اسمبلی انتخابات غاسلسلہ مانہہ اپنا امید واراں گا ناں واضع ڪر دتا ہین۔ جس مانہہ جموں صوبہ غا 24 اسمبلی حلقہ شامل ہین۔ اس مرحلہ واسطے بی جے پی امید واراں تے چھوٹی جماعتاں گا نامزد تے آزاد امید واراں نه اپنا کاغذات نامزدگی گذشتہ روز دائر ڪر لیا ہین۔ واضعہ جے 12 ستمبر نانہہ کاغذات نامدگی دائر ڪرں غی آخری تاریخ رکھی گئی ہے۔ تے اس غے اگلے تہاڑے کاغذات غی پڑتال وے گی۔ جد کہ امید وار اپنا کاغذات نامزدگی 15 ستمبر توں پہلاں پہلاں ناں واپس لے سکیں گا۔ تے چناؤ تیجا مرحلہ مانہہ پہلی اڪٽوبر نانہہ وے گو۔ سابقہ وزیر تے بی جے پی امید وار شام لال شرما جموں شمال تے ارویند گپتا جموں مغرب تیں پا رٹی امید وار ہین۔ بی جے پی امید وار جیون لال نه کٹھوعہ غا بنی اسمبلی حلقہ توں اپنا کاغذات نامزدگی دائر کیا ہین۔ تے بی جے پی امید وار ڈاکٹر سنیل بھردواج ایس سی واسطے مختص اسمبلی حلقہ رام نگر توں چناؤ مانہہ حصولے رہیا ہین۔ اُتے اشری دیوی نه جموں کشمیر نیشنل پنٿرس پا رٹی انڈیا تے تے سنجو ڪمار نه جموں کشمیر نیشنل پنٿرس پا رٹی بھیم وی رام نگر توں چناؤ مانہہ حصولے رہیا ہین۔ اُدھم پور مغرب تیں ترینتر سنگھ پنٿرس پا رٹی بھیم تے جسویر سنگھ نه بطور آزاد امید وار نامزدگی دائر کی ہے تے چینی مانہہ ڪرشن چند تے شبیر نه نامزدگی دائر کی ہے۔ اُواں سانہہ ضلع مانہہ سانہہ اسمبلی حلقہ واسطے 2 امید واراں نه نامزدگی دائر کی ہے جن مانہہ راج ڪمار بھگت نه آزاد سماج پا رٹی تیں تے ونود ڪمار بطور آزاد امید وار شامل ہین۔

DIG Review

جموں سانہہ کٹھوعہ رینچ غا ڈی آئی جی شیو ڪمار شرما نه گذشتہ روز ضلع کٹھوعہ مانہہ حفاظتی صورتحال غو جائزو لیو ہے جت پہلیاڪٽوبر نانہہ چناؤ ہون جا رہیا ہین۔ ڈی آئی جی موصوف نه اس دوران بسنت پور، ستوائیں، مہان پور، بسوبلی، شیتل نگر تے بنی غودورو لایو تے دورہ غے دوران سیول انتظامیہ تے نیم فوجی دستاں نال سلسلہ وار میٹنگ وی کی۔ اس توں علاوہ پولیس غا ڈی آئی جی نه گرائیں دفاعی راکھاں نال گل بات وی کی۔ تے اُن غی تربیت با رے تفصیلی جانکا ری حاصل کی تے اس دوران حفاظتی سلسلہ مانہہ اُن غا ڪردار غی اہمیت ور زور پایو۔ ٹیری ٹوریل افسراں ور زور پایو جے وے چناؤ مہم غے دوران حفاظتی صورتحال غو خاص خیال تے سخت نگرانی بنائے رکھیں۔

اس غے نال ہی خبراں غو یوہ بلیٹن ختم ہوؤ۔